

ЛЕНИН ТУЙ ВЫЛЭТ

(По ленинскому пути)

ПОДПИСКАЛЭН ЦЕНА

1 год кежэ 14 р. 40 к.

6 месяц кежэ 7 р. 20 к.

3 месяц кежэ 3 р. 60 к.

1 месяц кежэ 1 р. 20 к.

Редакциялэн адрес: г. Кудымкар, Горького 27 (б)
телеф. № 1-87

ВКП(б) Окружкомлэн, ВКП(б) Кудымкарскэй Райкомлэн да Окрисполкомлэн орган

Образцовэя чулэтны бэрийссез одзын отчеттэез

Ноябрь 15 лунсянь декабрь 15 лунэдз мян Коми-Пермяцкэй округ пасьта подласэ мунны населеннэ одзын отчеттэез. Окрисполком подласэ отчитывайтчынны бэрийссез одзын ноябрь 15 лунсянь 20 лунэдз, райисполкомез да горсовет—ноябрь 20 лунсянь 25 лунэдз и сельскэй советтэез ноябрь 25 лунсянь декабрь 15 лунэдз.

Эта отчетнэй кампания мыччалас, кыздэ тыртисэ бэрийссезлесь наказтэез, кытшэм достиженнэез судзатисэ культурнэй да хозяйственнэй строительство областын медбэр'я годдэезын уджалась депутаттэезлэн советтэез.

Ноябрь 10 лунэ ВКП(б) Окружкомлэн бюро утвердитсэ отчеттэез чулэтан срокез и предложитсэ Окрисполкомлэ немедленнэя обеспечитвы отчетнэй материалтэез. Сидз-жэ обяжитисэ ВКП(б) райкоммезэс обеспечитвы бэрийссез одзын отчеттэез чулэтэм, наметитны практическэй мероприятияез, кэдна обеспечивайтаны тыртны ёрт Сталинлэсь указаннэез, кэдна сетисэ 1937 год декабрь 11 лунэ город Москваын Сталинскэй бэр'ян округись бэрийссезлэн перевыборнэй собраннэ вылын да кэда обеспечивайтэ Советтэезлэсь организационно-массовэй уджлэсь л'ебэм. Обяжитисэ Окрисполкомись партгруппаэс да райисполкоммезэс сетны сельскэй советтэезлэ практическэй отсэт отчетнэй докладдэез сунтэтэмн.

Эта отчетнэй кампания имейтэ ыджыт политическэй значеннэ. Отчеттэез коста советскэй бэрийссез сетасэ советтэезлэ да аславыне депутаттэезлэ виль наказтэез, кэдна обеспечитасэ деревнялэсь культурнэй да зажиточнэй олан одзланнэ л'ебтэм, выявитасэ мукэд советтэезлэсь руководство лэн негоднэй стильсэ, сетасэ практическэй указаннэез.

Этлаын достиженнэезкэт

Мэдэдз пятилетка заемлэн экмысэт тираж

Ноябрь 17 да 18 луннэез город Ташкентын чулалас мэдэдз пятилетка (нелбэдз годлан выпуск) заемлэн экмысэт тираж. Тиражын рзыгривайтчэны 200 выгрыш 3 000 руб.

мукэд местаезын емась ыджыт неостатоккез, кэдна мешайтэны колхознэй деревнялэ культурнэй быдмэмын. Сельскэй советлэ да с ы л э н депутаттэезлэ партия да советскэй правительство доверитисэ ы д ж ы т государственнэй удж—колхозтэезэн руководство. Однако мукэдыс етэ почетнэй обязанностьсэ оз оправдывайт. Часто мукэд колхозтэезын нарушайтэны сельскохозяйственнэй артельлэсь устав, кэда являйтчэ колхознэй оланлэн незыблемэй законэч. Но эта вылэ мукэд сельсоветтэезисэ председателлэз йетша обрашайтэны вниманнэ (Новожилова, Ошиб, Пешнигорт, Вежайка и мэдиккез). Мукэд сельскэй советтэезын секцияез совершенно озэ уджалэ, особенно финансовэй да животноводческэй секцияез. Етна вопростэез сьэрти округ пасьта уджыс мунэ безобразно умэля. Мукэд сельсоветтэезисэ колхозтэезын пода олэ совершенно умэль условияезын (Новожилова). Подалэ картаез абуэсь, уход сунтэтэм безобразнэя. А финансовэй план тыртэм т о к о 3 6 п р о ц е н т вылэ. Умэля уджалэны и культурно-просветительнэй секцияез. Талуння лунэдз округ пасьта лыддисэны неграмотнэйыс 8346 да малограмотнэйыс 11543 морт. Абуэсь нельки мукэд сельсоветтэезын и избачитальняез (Новожилова), а сметаезэн валі предусомтритэм и бэрийссезлэн наказтэез валі сетэм.

Отчетнэй кампания коста быд бэрийсь должен отэн паськэтны критика да самокритика, большевистскэя критикуйтны сельсоветтэезлэн да райисполкоммезлэн работниккезлэсь удж, выявляйтны неостатоккез и шупыта нийэ исправляйтны. Эта отсалас местнэй советтэезлэ большевистскэя исправитны неостатоккезсэ да етэ буржыка уджавны одзлан коммунистическэй общество строитэмн.



Мавзолей трибуна вылын Великэй Октябрьскэй Социалистическэй Революциялэсь XXI годовщина Москваын празднуйтэм лунэ.

Снимск вылын: Шулгаланьсянь веськытлань: ёрттэез Л. М. Каганович, Димитров, Андреев, Ворошилов, Сталин, Калинин, Молотов, Микоян да Ежов. Фото Калашниковлэн („Правда“).

Вэрзаготовка вылэсь стахановецез

Юрлинскэй леспромхозлэн К-Курьинскэй лесопунктын вэркералэссез коласын бура развернатчис социалистическэй соревнвалнэ. Красно-Курьинскэй лесопунктисэ калровик Артем Андреевич Павлов вэркералэм удж вылын сетэ отличнэй образецез. Ся кералэс-ни 713 кубометра. Лунся норма тыртэ 400 процент вылэ. Сылэн лунся зароботка составляйтэ 30 руб. Бура уджалэм понда да бур образецез мыччалэм понда Павловэс пре-

мируйтисэ полушубокэн.

Кукушкинскэй колхозисэ (Кочерскэй район) вэркералэссез И. А. Минин да И. А. Павлов лунся норма тыртэны 300—350 процент вылэ. Нийэ премируйтисэ ватнэй фуфайкаезэн да брюкиезэн.

Красно-Курьинскэй лесопунктисэ вэркералэсез ыджыт энтузиазмэн куччисэ вэркералэн план тыртэм бердэ. Этэ повдэтчэмсэ нылэ колэ продолжитны и одзлань.

Н. Балувэ

Рамщик-стахановец

В-Косинскэй мехлесопунктисэ слесарь рамщик-стахановец Марк Лукич Черемных да тракторист Морозов босльисэ обязательство пилитны луннас 2000 погоннэй метра-

эн. Этэ обязательствосэ Черемных да Морозов тыртэны честьэн. Луннас пилитэны 2100—2300 погоннэй метраэн.

Ст. механик Коврижных

Исмет Иненю-Турецкэй республикаисэ президент

Анкара. Ноябрь 11-эт лун. Анатолийскэй телеграфнэй агентство сообщайтэ, што талун Великэй Национальнэй собраннэ (парламент) единогласнэя бэрийс Исмет Иненюэс Турецкэй

республикаисэ президентэн.

СССР-исэ полпред ёрт Теревтьев Турцияын керис Исмет Иненюэ, сийэ Турецкэй республикаисэ президентэн бэрийэм сьэрти, поздравленнэ.

СССР пасьта

Керку строитэм 19 часэн

Сталино. Макеевкаын „Пролетарская крута я“ шахта вылын, кытэн неважын 24 час коста валі строитэм общежитие 75 морт понда, установитэм виль рекорд чожа строи-

тэмн. Инженер Тарле 19 рабочэй час коста лэсьтэм да строитэм керку 260 квадратнэй метра олан площадь увтэ.

Строитны повдэтэмась асывнас 8 час коста и мэдик лун конец кежэ керку валі готов.

Строитэны телятник

Юсьвинскэй районисэ Архангельскэй колхоз строитэ югыт, шоньт телятник, кытэн колхоз пондас быдтыны мэс фермалэсь тавосэ-куканнезэс Телятник строитэны окрзуисэ инженерэн сетэм проект сьэрти.

Калашникова

Уссурийскэй еноттэез

Юринскэй сельсоветисэ Васильевскэй колхоз ведитэ уссурийскэй еноттэезэс. Таво нылэн 14 енот, кык'ямыс енот ны коласисэ приплод. Эта годэ приплодыс етэ лэас. Еноттэез понда лэсьтэм специальнэй ограла, да учетик керкуоккез умэль погоддэез кежэ. Вердэны еноттэезэс мастэм яйэн, няньэн, кашаэн да юкталэны чери госэн.

Калашникова

Строитисэ шоньт карта

Кудымкарскэй районисэ Мелехинскэй колхоз аслак колхознэй пода понда строитисэ ыджыт, югыт да шоньт карта. Строитисэ сидз-жэ кык конюшня да етэ энэ строитэ кунмэдз конюшня. Кыдз карта, сидз-жэ и конюшняез строитэны установленнэй правилосэ сьэрти.

Газогенераторнэй автомобиллэ л'едзэм

Сталин нима Московскэй автозавод приступитисэ газогенераторнэй автомобиллэзэс серияезэн л'едзэм бердэ. Октябрь месяцэ л'едзэмась 49 машина.

